



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

405. An Coadiutores Canonicorum habeant vocem activam & passivam in electionibus Canonicatuu[m] & in officiis sede vacante.

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

Questio 403. Quid in particulari possit vel non possit Coadjutor Episcopi?

Respondeo primò: posse Coadjutorem per urbem; de licentia tamen Episcopi Coadjuti benedicere populo. Barbos. loc. cit. num. 41. juxta Declar. S. Congregat. Rituum. 31. Jan. 1561. apud Piasc. in pr. Episc. p. 1. c. 1. n. 10. Campanil. & alios. Idem tenet Gonz. loc. cit. n. 4. in fine. ex Navar. cons. 3. n. 3. & 4. de Cler. agrot. inquiens: potest Coadjutor Episcopi in spiritualibus dare benedictionem, & sedere in Cathedra sicut ipse Episcopus.

2. Secundò: Episcopus Coadjutor durante vita sui principalis non potest solenniter, & pontificaliter ingredi civitatem aut diaecsim. Tondut. qq. benef. p. 3. c. 194. n. 1. Barbos. loc. cit. nu. 35. juxta ejusdem S. Congregat. rituum declarationem. Ex eo liquidem, quod non habeat jus in re respectu Episcopatus, sed tantum ad rem (quod et si sit considerabile quod ad dispositiones facientes mentionem de jure quæsito non tollendo, ut Gonz. loc. cit. n. 79. non est tamen tale jus; quod operetur, ut ipse sit Prælatus ecclesie. Tondut.) non debet recognosci tanquam superior & caput, sed ut Coadjutor: & eo magis, quia contingere potest, ut non succedat in Episcopatu, sed prior moriatur, Barbos. juxta verba dictæ declarationis.

3. Tertiò: Coadjutor non habet facultatem dandi indulgentias; sed si quasi Archiepiscopus concedere potest & vult, ejus nomine sunt publicanda. Barbos. num. 43. juxta eandem declarationem.

4. Quartò: Coadjutor Archiepiscopi non potest utrī cruce in divinis, nec in functionibus pontificalibus, neque dum incedit per urbem; cum crux sit signum & ornamentum dignitatis & jurisdictionis, quarum utraque caret Coadjutor. Barbos. n. 37. apud quem vide plurā alia spechtantia ad ceremonialia, quæ potest, aut nequit Coadjutor;

5. Quinto: Denique non potest Coadjutor Episcopi sanæ mentis cum futura successione concedere ius patronatus. Gonz. gl. 5. §. 9. num. 35. citans Mandos. in reg. II. q. 5. n. 7. & 8. Achil. decisi. I. per totam de reb. Eccl. non alienand. De cetero quid possit in materia benefitiali; vide post tristatum speciali quest.

Questio 404. Num Coadjutor & Coadjutus simul possint interfiri & interessere divinis, aliisque functionibus & actibus?

Respond. Non posse utrumque simul interfiri ut præbendatum seu Canonicum, seu ut repræsentantes duos præbendatos; cum sit una tantum præbenda; uni autem præbenda formaliter simul interfiri nequeunt duo in eodem officio, tenent Castrop. tract. 13. d. 1. p. 10. n. 24. Garc. p. 4. c. 5. n. 107. Ventrigl. tom. 2. annot. 13. n. 50. ubi, quod Coadjutor & Coadjutus non possint simul eodem tempore interesse uti Canonicos in Choro aut Capitulo, possit tamen unus interesse ut Canonicus, & alter ut privatus; pro qua sententia citatur quoque a Barbos. Besold. de præcedentia. c. 2. n. 25. in fine.

Non tamen esse inconveniens, quod simul interesse possint in habitu canonicali in processionalibus, & Missiarum solemnibus, Coadjutus in loco suæ ancianitatis, & Coadjutor in novissimo loco

post ceteros Canonicos, tenent Sebast. Caesar de Eccl. Hierarch. d. 14. §. 9. n. 13. & qui eum refert, Barbos. cit. c. 10. Sic ait Remouch. c. 15. n. 6. possunt ambo esse simul in Capitulo, sub diversis tamen respectibus, sufficitque, quod in omnibus sit aliqua subordinatio. Sic quoque respondisse S. Congregationem Concilii 5. Jun. 1655. nimirum Coadjutores Canonicorum posse interesse Choro & divinis officiis, etiam quando Canonici Coadjuti intersunt, cum his tamen conditionibus: consentientibus Coadjutis & in ultimo loco; non verò in Capitulis & aliis actibus, restatur Piguar. tom. 4. cons. 185. n. 40. Ad fundamentum quoque Garcia, quod non possint representare duos Canonicos, sed unum solum, respondet Barbos. & Caesar, id solum concludere, quod duplice vocem non habeant, nec duplices lucentur distributiones; non verò quod ad interessentiam, quæ utriusque diverso respectu convenit; ut id pater in Rectore principali & ejus Vicario, dum simul in ecclesia interesse potest Rector principalis & talis Vicarius ut Vicarius; & sic usū receptum videtur in Episcopo & ejus Vicario generali. De cetero posse utrumque simul deservire uni præbendæ in diversis ejusdem præbendæ officiis, v. g. ut dum unus assistat Choro, alter interim existit in Capitulo vel in negotiis ecclesie, aut temporalium regimine occupatur, dubium non est. Castrop. loc. cit. ubi etiam, quod nil veter, quod minus unus assistat divinis ut Canonicus, & alter ut persona privata; cum in isto casu unus solus assistat canonicaliter, & neque Coadjutus ob Coadjutorem vel contra privari debat potestate interveniendi.

Questio 405. An Coadjutores Canonicorum habeant vocem activam, & passivam in electionibus Canonicarum; & in officiis sede vacante?

Respond. affirmative. Garc. p. 4. c. 5. num. 87. & 88. Castrop. loc. cit. num. 17. citans Leo. in thes. for. eccl. c. 19. n. 69. & 70. Conceditur namque Coadjutori plena & libera potestas præbendam administrandi périnde, ac si propriarius præfens esset. Item conceduntur omnes prærogativa & præminentia, quæ Coadjuto competunt. Conceditur etiam illi habere vocem in Capitulo; sed ex quilibet harum concessione eligere & eligi potest. ergo. Castrop. Proceditque id ipsum de voce passiva, etiam in Coadjutoria concessione dictum esset, quod possit habere vocem activam, nihil dicendo de passiva. Verba enim illa ad maiorem declarationem debent censeri prolatæ; nou verò taxativè, seu ad potestatis diminutionem. Garc. loc. cit. num. 88. & ex eo Castropal.

Questio 406. An Coadjutor possit optare?

Respond. Posse eum in ecclesia, ubi viget consuetudo optandi, optare, non sibi; sed Coadjuto. Barbos. de Iur. Eccl. l. 3. n. 71. citans Monet. de opt. can. q. 8. n. 152. & declarationem S. Congregat. Rituum in Colombensi 16. Septemb. 1606. Ventrigl. tom. 2. annot. 13. n. 38. & tom. 1. annot. 6. n. 14. ubi, quod si Coadjutus consentiat vel non dissentiat, Coadjutor per se optare possit in beneficium Coadjuti.